

նախագգած խորհրդոյ Պատրիարքին իւրոյ . եւ այնպէս հաստատեալ զպայմանս դաշինն , և սոյն օրինակաւ յայտնեալ իցեն զգաղանիս իւրեանց :

Իսկ Հ . Մ . Չամչեան՝ այլով իմն եղանակաւ աւանդէ զայս պատմութիւն խոտորման Զատիկի . Տե՛ս Պարթ . Հայոց , Հար . Գ . Երե՛ս 804 : Որպէս թէ ծախեալ իցեն 'ի դրունս բազում ինչ յերկուց կողմանց , խրոխտալ 'ի վերայ միմեանց և թշնամանել բռնիւք զկծանաց , և լինել մեծամեծ աղմուկաց , և 'ի հասանիլ տօնի Զատիկին՝ սղանանել երկու ոգիք 'ի Հայոց , և երկու եւս 'ի Յունաց : Այլ այսոքիկ բանք ոչ նշմարին 'ի գրչագիր օրինակս մեր եւ ոչ 'ի գատատանական գիրս , որք պահին առ մեզ , բաց յայնց խռովութեանց որք յետոյ պատահեցան 'ի գաւառս , զորոց հանդերձեալ եմք ասել : Թէպէտեւ աղօտ իմն նշմարի 'ի նամակիս Գրիգորի , այլ կատարեալն և ստոյգն ոչ հասին 'ի ձեռս մեր : Այլ մեք թողեալ զայսպիսի վայրապար քըննութիւնս՝ մատիցուք պատմել որք զկնի այսմ պատահեցան :



Գ Լ Ո Ւ Խ Գ .

Նկնգութիւն Յունաց : Խռովութիւն ժողովրդոց յարեւելեան գաւառս : Վ.է՛ճ Լատինաց : Մահ Աթուակալ Հաննա վարդապետի : Վ.իշտ Գրիգոր Պատրիարքի :

ՅԵՏ կատարելոյ զտօն Պասեքին յերուսաղէմ , ուխտաւորք Հայոց և Յունաց ցրուեալ գնացին յիւրաքանչիւր գաւառս և 'ի քաղաքս իւրեանց : Իսկ Պատրիարքունք Յունաց Պասիոս Կոստանդինուպօլսի՝ և Խրիստանթոս Երուսաղէմի՝ մատուցին գիր ամբաստանութեան 'ի Դուռն զազգէն Հայոց , և ասեն թէ՛ յետ մեկնելոյ յերուսաղէմէ ուխտաւորացն՝ զնացեալ յիւրաքանչիւր գաւառս և 'ի քաղաքքս , և ոչ ձանաչելով զչափ անձանց իւրեանց և հանգարտիլ խաղաղութեամբ , մատեան առ դատաւորս և առ իշխանաւորս քաղաքաց՝ ատելութեամբ բանսարկու եղեն զազգէն Յունաց , թէ նոքա ոչ կարացին ուղիղ տօնել ըզ-